



SULEQATIGIISITSISUT
SAMARBEJDSPARTIET
UPA2019/211
Tillie Martinussen

28. marts 2019 – Siullermeerneqarnera

Aningaasalersuinermik ingerlataqarneq pillugu inatsisip allangortinnissaa pillugu inatsisip aamma aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsisip Kalaallit Nunaannut atuutsinnissaa pillugu peqqussutinik Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.

(Inuussutissarsiornermut Nukissiuuteqarnermullu Naalakkersuisoq)

Manna siunnersuut saqqummiunneqarpoq aningaasaliisartut ajornannginnerusumik takusinnaasarniassammassuk sullivimmuut niuertut aningaasarsiuuteqartullu allat niueqatigiiffianni kikkut piginnittutut nalunaarsorneqarsimanersut kiisalu kina sullivimmuut piginnittuuvinnersoq. Ajunngilaq tamanna sukateriffigineqarpat ammanerusumik ingerlatsisoqaleqqullugu sutigut tamatigut sullivinni qulaani taaneqartuni. Piginneqataassutsinummi peqartunut sunniuteqarnissaq ajornaannerulissaaq paasissutissanik tunngaveqaraanni aamma paasiuminarnerulissaaq pisortat siulersuisunilu ilaasortat qanoq akissarsiaqartinneqarnerisut.

Qulaani pineqartumi paatsoorneqarsinnaanngitsumik siunertaavoq ingerlatseqatigiiffinnik akiitsoqarpallaalersimasunik peqannginnisarput soorlu takugipput 2008-mi aningaasarsiornikkut ajutoortoqallarmat ukiorpaalunni tulliuttuni sunniuteqartumik. Aamma eqqarsaataavoq sakkortuumik iluanaarniuteqapilunnerit - tassa piginneataassutsinik peqarnikkut kiisalu angisoorsuarnik bonuseqartitsisarnerit naleqqussarneqartarnissaat atorunnaarsinneqartarnissaalluunniit. Taamaaliornikkut akiorniarneqarpoq piginneqataassutsinik pigisallit iluanaarniapilulertannginnissaat aamma pisinermut politikkeqartalinnginnissaat piffissap sivikitsuaqqap iluani iluanaarujussuarnissaq siunertaralugu, ingerlatseqatigiiffinnik ajutoortitsisinnaasunik imaluunniit taakku aningaasaqarnerinik.

Tassa inatsimmi kaammattuutigineqarpoq ingerlatseqatigiiffinni akissusaassuseqarnerluernissaaq.

Sulliviimmi aamma tamanut saqqummiuttalertussaasaat akissarsiaqartitsisarnerminnut politikki kiisalu qanoq aningaasaliissuteqartarnerlutik aamma piginneqataassutsit iluanaarniutit iluanaarniutaanngitsullu kikkunnit pigineqarnerisut. Aamma matumani piumasaqaataavoq, sulliviit siunersuisunut pisortanullu akissarsiaqartitsisarnerit pillugu politikkiussasut tamanullu saqqummiullugu. Minnerunngitsumik siunertaavoq piffissami sivisuumi piginneqataasarnissaat kaammattuutiginnissaat. Taamaasiornikkut sulliviit ilaasa iluanaarniapiluttarnerat pinngitsoortinneqarsinnaassaaq aamma sullivimmuut niuertut aningaasarsiuuteqartullu allat niueqatigiiffianni iluanaarniapiluttarnerit imaluunniit piginneqataassutsit atorlugit iluanaarniapiluttoqartarnera.

Tamanna pissassaaq ilaatigut piginneqataassutsinik peqartut piffissami sivikitsumi iluanaarniapilunnissamut tapersersuinissarnissaasa akiornersigut imaluunniit ajoqutaasumik kingornalu peqataajunnaarnermik kinguneqartussamik pisinermut niuernerimullu politikkiorsinnaanerup pinngitsoortinneratigut. Tassa pitsaasunik piffissarlu ungasinnerusoq isigalugu aningaasaliisoqartarnissaa siuarsarniarneqarpoq aamma



**SULEQATIGIISITSISUT
SAMARBEJDSPARTIET**

ingerlatseqatigiiffiit pitsaasunik tatiginartunillu pigineqataasoqartarnissaat. Aamma iluanaarniapiluttoqarsinnaanera akiorlugu.

Taamaasiornikkut ingerlatseqatigiiffiit tatiginartut tapersorsorneqartassapput pitsaasunik aningaasaliissuteqarnikkut kiisalu pisorat siulersuisullu tulluurtunik akissarsiaqartinneqartarnissaat qularnaarneqassaaq.

Tamakku tamarmik tapersorsornarput pitsaasuummata.

Minnerunngitsumik tamatumap pigineqataasut ajornannginnerusumik sunniuteqartissinnaalissavai ataatsimeersuortoqartoqartillugu, tamanut paasiuminarnrummat, sooq politikki ingerlanneqartoq politikkerineqarnersoq, ingerlatseqatigiiffimmi sorliungaluarnersumiluunniit, qulaani taaneqartut paasiuminarpata. Taamaattumik isumaqarpugut ajunngilluinnartoq.

Taamatut naatsumik oqaaseqarlunga inassutigaaara siunnersuutip matumap akuerineqarnissaa.